

Cuido Salud Hubenil

Cuido Salud Hubenil (Jeugdgezondheidszorg) ta un seccion di Departamento di Salud Publico.

E tarea primario ta duna cuidu preventivo na muchanan di 0 pa 12 aña dor di:

- stimula y controla salud, crecemento y desaroyo
- vacuna contra diferente malesa segun e programa di vacunacion
- duna conseho na mayornan, scolnan y otro instancia.

Asina por evita cu problemanan medico, social o emocional ta stroba e mucha di funciona y desaroya bon.

Cuido Salud Hubenil ta haci su tareanan na consultorionan di Wit Gele Kruis y na e scolnan preparatorio, basico y special.

Pa realisa e tareanan menciona Cuido Salud Hubenil tin den su servicio:

- docter (di cual 2 specialisa den cuidu preventivo pa mucha)
- enfermero di scol
- nutricionista (diëtista)
- orthopedagogo/ psicologo
- trahado administrativo



Cada scol tin un docter, enfermero y orthopedagogo asigna.

Pa controla e mucha na scol ta pidi permiso di un mayor o persona responsabel (manera voogd).

E docter y enfermero di scol ta:

- haci un *saminacion di salud* di cada mucha na scol preparatorio o basico por lo menos 1 biaha. Esaki ta ensera e.o. test di bista y oido, control di djente, cabey, crecemento (largura y peso) y un saminacion fisico (medico).
- combersa cu mayor y duna conseho (si ta necesario) tocante e.o. alimentacion, drumimento, comportacion y actividadnan deportivo/ recreativo.
- haci bishita na cas (si ta necesario)
- manda o duna mayor un carta pa hiba e mucha docter di cas o otro instancia (si ta necesario).
- un saminacion riba indicacion o peticion di mayor, maestro o e mucha mes tambe ta posibel.
- tene consulta, duna conseho y evalua cu maestro y cabesante
- duna charla riba peticion di scol o otro instancia riba tema variabel
- vacuna segun e skema durante campananan di vacunacion escolar



E nutricionista ta:

- duna conseho y guia profesional na (grupo di) mucha cu tin problema cu e.o. sobrepeso, peso di menos.
- duna conseho na esnan cu tin mester di un diëta special p.e. diabetes hubenil, cholesterol halto
- tene un charla riba peticion di scol o otro instancia



E orthopedagogo ta:

- consulta y duna guia (den grupo) na mayor cu mucha cu problema di conducta
- duna guia na muchanan cu diferente problema y nan famia via Wit Gele Kruis.

E seccion ta tene contacto multidisciplinario cu e.o. Departamento di Enseñansa, Departamento pa Asuntonan Social, Voogdijraad.



CADA MUCHA TIN DERECHO:

- D**ERECHONAN
E - ariba cuminda
R - ariba awa limpi pa bebe
E - ariba un cas
C - pa hala rosea den aire limpi
H - pa haña remedi ora e ta malo
O - pa bai scol
N - pa hunga
A - ariba paz
N - ariba amor, cariño y comprension
D - ariba un nomber y un nacionalidad
I - ariba diberticion sano
M - pa ta e promernan pa wordo yuda
U - ora tin emergencia
C - pa wordo proteha contra maltrato,
H - descuido y negligencia y no mag di
A - wordo usa pa gana placa ni usa pa
hasi cosnan peligroso

Cada mucha tin derecho pa gosa di e derechonan aki sin tene cuenta cu rasa, color, sexo, idioma, desabilidad fisico o mental, religion, origen social y ambiente politico di e mes of su famia.

Jeugd Gezondheids Zorg



Pa mas informacion tuma contacto cu:
Cuido Salud Hubenil
(Jeugdgezondheidszorg)
van Leeuwenhoekstraat 16, Oranjestad
(Edificio di BGD)
Tel.: 522-4200 / 582-7112
Fax: 583-5979



DEPARTAMENTO
SALUD PUBLICO

Cuido Salud Hubenil

Cuido Salud Hubenil



kico e ta?